



Kommune
Qeqertalik

APNN

Sakkut pillugit Kalaallit Nunaannut inatsisip aamma Kalaallit Nunaanni pinerluttulerinermi inatsisip allanngortinnerinut

Siunnersuut

Kommune Qeqertalimmi Ataatsimiitsitaliami Inoqarfimmi siulittaasup
tusarniummut akissutaa:

Inatsisisatut siunnersuut sillimarniarneq eqqarsaatigalugu ilalerpara.
Tassani ukiukitsut aammalumi inersimasut aallartofigitillutik ajunaartut
eqqugaasarmata kiisalu imminortarnerit akiorniarlugit inatsimmik
sukaterineq isumaqatigivara aallaasit isumannaatsumik
inissinneqartarnissaat. Ilanngullugu puttasuni umiatsianilu
ikummarsinnaasut akornanni imassat aallaasillu inunnut
navianartorsiortitsinnaasut pinngitsoortinnejarnissaat eqqarsaatigalugu
inatsisisatut siunnersuut ilalerlugu.

Taamaakkaluartoq 16-it ataallugit ukiullit aallaammik atuisinnaanerisa
sakkortusaaffigineqarnera aamma apeqqusernartortaqartippa, naak
inatsisisatut siunnersuummi allaqqagaluartoq: "Imm. 3. Aallaaniarnermut
imaluunniit timmisueriarluni ooqattaarinermut atatillugu inuk imm. 1-imi
taaneqartunik tigummiaqarpat imaluunniit atuippat inuup 16-it inorlugit
ukiullip tulluartumik ingiaqateqarnissaata, tak. imm. 2,
qulakkeerneqarnissaa angajoqqaatut oqartussaasup akisussaaffigaa."

Tassunga tunngatillugu kalaallit ileqqorput 16-it ataallugit ukiullit
uumasunik mikinernik pinialuttarnerat eqqugaassammat. Ileqqutsinnimi
pingaarutilinnut akuuvoq qeqarlaat kiisalu qeqarneqanngitsut piniarnermik
ilinniartinnejalereertartut ilaqtutanik pilersuilersinnaaneq siunertaralugu.

Sunngiffimmi aallaaniarsinnaanermut allagartat pillugit Namminersorlutik
Oqartussat nalunaarutaat nr. 14, 30. december 2014-imeersoq § 3 imm. 2.
Naapertorlugu piniarnermik allagartamik 12-inik ukioqalereersimasut
allagartaqalersinnaanerisa eqqugaasinnaanerat apeqquserpara ileqqut



Kommune
Qeqertalik

malillugit 12-inik ukioqalereersimasut piniarnermik
ilinniartinneqalereertarmata.

Inatsisisamut allannguutissatut siunnersuummi kaammattutigerusuppara
KNAPK-p iluani illoqarfinni nunaqarfinnilu Piniartut Aalisartullu
Peqatigiiffi tusaaniarneqassammata, taakkummata aamma annertuumik
eqqungaasussat.

Naggataatigullu tusarniaanerup kalaallisoortaata kingusippallaamik
tunniunneqarnera isorivara, tassani tusarniaanermi atuisut
piiffissakippallaartumik periarfissinnejnarerat tamat
oqartussaaqataanerannik killiliimmat. Tusarniaanerullu amigartumik
ingerlanneqarnera Inatsisisap akuerineqassagaluaruni kingunissai atuisunut
annerusumik eqquisinnaammat.

INGERLATSIVIUP ATIA

Inoqarfik

Niels Egedes Plads 1.
Postboks 220
3950 Asasiaat

ULLOQ/ DATO

10. Januar 2019

Ataatsimiitsitaliami Inoqarfimmi Siulittaasoq

Timooq Mølgaard

Siumut

Kommune Qeqertalik